

靈寶領教濟度金書卷之一百六十六

洞微高士開光救苦真人案金具授

靈寶通玄弘教水陶先生林靈真錄

科儀立成品預修黃錄用

第二日晚朝儀

各禮師存念如法

衛靈

金真空降 神虎檢營 玉帝披霞 諸天命靈  
九晨回駕 萬魔束形 九微迸烟 神威攝精  
流金擲火 百惡消并 神暉耀夜 洞煥長庚  
聖道蕩蕩 十方肅清 保制劫運 元亨利貞  
與道合真

鳴法鼓二十四通

元上三天玄元始三炁太上道君召出臣等  
身中三五功曹左右官使者侍香金童傳言  
玉女五帝直符直日香官各三十二人出出  
者嚴裝關啓玄壇天帝神君當召此間土地  
里域真官正神急上關啓臣今奉為入齋意  
以今落景陞壇行道願得  
玉清道炁靈寶妙光下降流入臣等身中即

使玄壇清淨內外咸具天无氛穢地絕妖塵  
琳琅振響十方肅清萬魔不干具誠上徹令  
臣所啓速達徑御  
太上无極大道至真玉皇上帝 御前

請稱法位

具位奉行預修黃錄大齋法事小光臣某與  
臨壇官衆等謹同誠上啓

太上无極大道虛无自然元始天尊太上道  
君太上老君高上玉皇十方已得道大聖衆  
至真諸君丈人三十二天帝君王虛上帝玉  
帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傳太平下教二十四真人西城總真王君太  
乙真人東嶽上卿司命茅君定錄保命二真  
人名山洞府得道神仙三界官屬一切真靈  
臣聞三皇玉策飛玄名制於羣靈五嶽金圖  
空洞御扶於萬象東西羅二禁之妙陰陽煥  
六甲之靈彰八史之神奇明五帝之變化函  
三開光於龍漢正一啓運於鶴鳴封山澤而

威蛟龍祭風雲而役虎豹嘯命東海檢攝北  
鄴上制御於天魔下辟斥於地虜三十五分  
正經緯於縮盈八十一重宰玄黃之高厚三  
五豁落九六飛奔流法雨於蒼生躡玄雲於  
碧漢神功快廓聖化昭融凡級戴以由中必

提携於厚下今齋主某形陶四象忝粟一元  
目窺瑤極之崇心逐瓊樞之運念隨塵網百  
年猶逝水之難留神逐化機三世若涉淵之  
罔測仰藉回天之力庶提陸地之期耿耿丹  
忱兢兢素悃惟洞淵金錄彰預修符戒之功  
啓靈寶玉章傳受度劫年之永楓宸煒燁蓋  
笈輝華敬徵福於先時廣流祥於後日肅嚴  
蓬華恭罄芻蕘侍道力以祈恩壇崇八陞派  
德波而衍澤藹列九朝開十華懺謝之門啓  
四極懇祈之路龍繒效信鳳壁輪誠露黍悃  
於三光輝葵忱於五嶽應天以實扣地難聞  
爰有青詞謹當宣奏

宣詞

按如詞目備切勤渠臣等檢制百關肅清五  
體稟陸離之鳳珮朝璀璨之龍旒旋漢流華

銀蟾漾昏中之影瑤壇煥彩銅鳥傳夜外之  
 聲羅羽蓋於紫垣列霓旌於黃道珠華萬點  
 燦星緯以飛芒翠輪千枝恍驚林而朗照瑞  
 炁耀乾坤之旦祥光變宇宙之春九鳳和鳴  
 開玉笙而繚繞八鸞齊唱雜金磬以錚鏦寶  
 光回混於玄虛梵炁彌羅於紫界傾心御御  
 扣首龍旒祈家國以均休極天人而蒙惠  
 以今落景行道請法眾等運茲初捨上香  
 願此香烟騰空徑上供養

无上至真道寶巨等皈身皈神皈命首體投  
 地仰依

太上三尊願以是功德上祝  
 皇帝陛下伏願寶曆天長瑤圖地大壽壽山  
 於西極千秋開金鏡之祥衍福基於東瀛萬  
 世配璇樞之運御飛龍而制六合執大象以  
 撫八荒列廟先靈棲武雲凌於帝闕諸藩宗  
 姓承顏日贊於王畿今故燒香自皈依  
 師尊大聖眾至真之德得道之後保天長存  
 和與道合真  
 以今落景行道請法眾等運茲二捨上香

願此香烟騰空徑上供養

无上至真經寶巨等皈身皈神皈命首體投  
 地仰依

太上三尊願以是功德歸流齋主某伏願玄  
 雲垂蔭道日流輝九五箕晴飲錫梓楓宸之  
 渥十三義象經營開蓬宇之華滋惠露於壺  
 天流恩波於福地祖玄策景飄飄受化於朱  
 丹子孫流芳蟄蟄承恩於紫禁今故燒香自  
 皈依

師尊大聖眾至真之德得道之後升入無形  
 和與道合真

以今落景行道請法眾等運茲三捨上香  
 願此香烟騰空徑上供養  
 无上至真師寶巨等皈身皈神皈命首體投  
 地仰依  
 太上三尊願以是功德皈流幽關冥路滯爽  
 孤魂伏願仁涵九壘德潤三途春滿寒庭開  
 生門而遊宴陽回夜壑塞死戶以翔翔升真  
 太素之庭高步始青之境帝鄉御景乘白雲  
 以上升聖域神樓履紫烟而前邁今故燒香

自皈依

師尊大聖眾至真之德得道之後升入無形  
 和與道合真

禮方 儀方

步虛 三啓

三禮

重稱法位

具位巨某謹重誠上啓

太上无極大道元始天尊太上道君太上老  
 君高上玉皇十方已得道大聖眾至真諸君  
 大人三十六部尊經玄中大法師天師君上  
 相上宰四司五帝三界官屬一切真靈巨等  
 杜襟散材并栢腕質天啓希夷之運聖彰微  
 妙之期躍鳳金章幸佩囊中之秘翔龍玉牒  
 徒窺肘後之玄同流袞袞於塵樓獨咲悠悠  
 於林隱玉顏莫駐金骨難圓憲網天寬幸曲  
 逃於鼎鉞危機日涉慮直積於淵陵勉修進  
 德之功庸補乘非之過帝恩赫奕民欲羅敷  
 今齋主某勵志朝天秉心饗帝慶祉期崇於  
 此世福源覬演於他生尚慮志昧存三誠昏

藏六石能生我不思勒馬於康衢藥可利人  
 罔念牧羊於順境五賊紛紜於覺地七情汨  
 沒於靈源三惑未除棄持身之玉尺四知何  
 畏捐照己之水壺真實種捨而弗耘虛妄根  
 培而益漑北鄴紀字東嶽刊名或先亡未脫  
 於陰郊或前過尚榮於幽境既業緣之未滌  
 慮善果之難成仰冀上聖之慈悲俯念下愚  
 之懇悃恩頒尺一澤溥大千憲令雷轟願勾  
 名於黑籍絲綸風動冀移字於青編九幽息  
 塚訟之呼六洞絕仇讎之執一身皎潔萬業  
 澄清聖雲陰其心田起居壽域德雨膏其性  
 海出入春臺紫霞鬱勃於百關丹霧氤氳於  
 五體松筠耐歲桃李酣春與天為徒永宴熙  
 明之運隨劫受化常臻福慶之鄉得見太平  
 永無衰謝上願乾坤澄彩河洛煥符風雨宣  
 融山川清晏紫塞息射鵬之技玉關來天馬  
 之歌鼓腹含哺遂三農之樂意耕食饗飲賜  
 萬姓之歡聲朝多筆耒之能野絕經鋤之隱  
 則上明  
 天尊大慈之化下副臣等皈命之誠謹啓以

聞

發願

存神燒香

香官使者左右龍虎君侍香諸靈官當令臣  
 落景陞壇行道之所自然生金液丹碧芝英  
 百靈眾真交會在此香火爐前令臣學道得  
 道求仙得仙齋主獲福幽顯沾恩十方仙童  
 玉女侍衛蘭烟傳臣向來所啓速達徑御  
 太上无極大道至真玉皇上帝御前

出堂頌

靈寶領教濟度金書卷之一百六十六

靈寶領教濟度金書卷之一百六十七一百六十八一百六十九  
九同卷

洞微高士關光救苦真人齊金具授  
 靈寶通玄弘教水南先生林靈真編

科儀立成品預修黃錄用

第三日早朝儀

步虛 燒香頌

各禮師存念如法

衛靈

天書數羅下眇太微 元化生成 靈烟九回  
 八景六周 聖運所持 左宸赤方 右啓帝扉  
 東華南府 灌鍊辟非 迴輪日耀 轉盼月輝  
 今日大慶 萬道同歸 玄壇正炁 保天無衰  
 普告三界 驛龍風馳 和與道合真

鳴法鼓二十四通

發爐

元上三天玄元始三炁太上道君召出臣身  
 中三五功曹左右官使者侍香金書傳言玉  
 女五帝直符直日香官各三十二人出出者  
 嚴裝開啓玄壇天帝神君當召此開土地里